



KEMENTERIAN
PENDIDIKAN
MALAYSIA

BUKU BACAAN SIRI 1

Guru Sekolah



PROGRAM PEMULIHAN KHAS
BAHAGIAN PENDIDIKAN KHAS
KEMENTERIAN PENDIDIKAN MALAYSIA
2014



Guru Sekolah



**PROGRAM PEMULIHAN KHAS
BAHAGIAN PENDIDIKAN KHAS
KEMENTERIAN PENDIDIKAN MALAYSIA
2014**



KATA-KATA ALUAN



PENGARAH BAHAGIAN PENDIDIKAN KHAS
KEMENTERIAN PENDIDIKAN MALAYSIA

Assalamualaikum Warahmatullahi Wabarakatuh, Salam Sejahtera, Salam 1 Malaysia dan Salam Transformasi.

Saya dengan rasa penuh sukacita merakamkan ucapan setinggi-tinggi penghargaan terima kasih kepada Unit Pemulihan Khas, Bahagian Pendidikan Khas, Kementerian Pendidikan Malaysia kerana telah berjaya menghasilkan Buku Bacaan Siri 1.

Saya amat yakin kejayaan menghasilkan buku bacaan ini adalah gabungan pengalaman, kerjasama serta penghayatan agenda Bersama Melonjakkan Prestasi Pendidikan menerusi pemikiran dalam dimensi baharu dalam kalangan Guru Pemulihan Khas .

Bahagian Pendidikan Khas, Kementerian Pendidikan Malaysia sentiasa memberi perhatian kepada kecemerlangan akademik terutama penguasaan kemahiran asas Membaca, Menulis dan Mengira (3M). Pelbagai alternatif strategik dibina bagi memastikan semua murid khususnya tahap satu sekolah rendah boleh membaca dengan lancar.

Bagi menjayakan cita-cita semua murid tahap satu boleh membaca dengan lancar dalam tempoh masa yang lebih singkat maka semua Guru Pemulihan Khas diminta memastikan semua murid Program Pemulihan Khas memanfaatkan sepenuhnya buku ini. Keprihatinan ibu bapa atau penjaga juga amat diperlukan dalam memastikan cita-cita murni Bahagian Pendidikan Khas, Kementerian Pendidikan Malaysia iaitu 'Semua Murid Tahap Satu Boleh Membaca dengan Lancar' dapat dicapai dengan jayanya.

Sekian, terima kasih.

'KECEMERLANGAN INSAN ISTIMEWA KEGEMILANGAN BERSAMA'

SHAZALI BIN AHMAD

Pengarah

Bahagian Pendidikan Khas

Kementerian Pendidikan Malaysia.

PENGENALAN



Ketidakupayaan membaca merupakan kelemahan murid pemulihan khas. Salah satu usaha bagi mengatasi masalah ini ialah dengan menyediakan bahan bacaan secara berperingkat yang bersesuaian dengan tahap murid pemulihan khas. Diharap dengan penggunaan bahan bacaan ini dapat meningkatkan keupayaan murid dalam kemahiran membaca khususnya murid-murid Pemulihan Khas secara terancang mengikut kaedah pengajaran bacaan Bahasa Melayu.

Ia dimulakan dengan gambar dan perkataan berasaskan pengalaman murid. Perkataan-perkataan baharu yang diperkenalkan berkonsepkan bunyi-bunyi suku kata. Setiap perkataan diwarnakan berdasarkan bunyi suku kata untuk memudahkan bacaan selain dapat menarik minat murid.

Isi kandungan buku ini berasaskan kepada beberapa tema yang dipilih mengikut kesesuaian.

Siri 1

- Mengandungi 10 siri buku yang berlainan tajuk.
- Memuatkan kemahiran 5 – 15.
- Sukukata berwarna.
- Kepelbagaian kandungan adalah sebagai motivasi dan keyakinan diri murid untuk membaca sendiri.

Siri 2

- Mengandungi 10 siri buku.
- Bermula kemahiran 16- 32.
- Suku kata tidak berwarna.

Semoga buku ini akan menjadi bahan bacaan mudah tetapi berkesan dalam membantu murid-murid belajar membaca dan memahami apa yang dibaca. Buku ini juga diharap dapat menarik dan menggalakkan murid-murid pemulihan untuk membaca.



Ini guru sekolah.

Ini guru sekolah Sani dan Sara.


**Di sekolah mereka ada guru lelaki
dan wanita.**




Sekolah Seri Jaya ada sepuluh guru lelaki.

Sekolah itu juga ada lapan guru wanita.

Guru mereka rajin dan dedikasi.



Ini guru kelas Sani dan Sara.
Mereka bel**ajar** da**lam** kelas Lima
Bestari.
Guru kelas mer**eka** cik**gu** Hayati.
Cikgu Hayati a**jar** Ba**hasa** Me**layu**.




Ini pula cikgu Hamzah.

Cikgu Hamzah guru Matematik.

Cikgu Hamzah ajar Matematik pada hari Selasa dan Rabu.



Sani dan Sara suka belajar muzik.
Nama guru muzik mereka Siti Hajar.
Sani dan Sara suka menari.
Mereka menari ikut muzik dari kaset.



Sani dan Sara belajar agama.
Nama guru agama mereka Habibah.
Mereka tekun belajar agama.
Mereka seronok belajar agama.



Ini Cikgu Haji Yunus.

Cikgu Haji Yunus guru seni.

Cikgu Haji Yunus ajar melukis dan mewarna.

Mereka melukis gambar beca roda tiga.




Ini pula guru Sivik.

Nama guru ini Murali.

Cikgu Murali selalu memberi nasihat.

Sani dan Sara ikut nasihat guru.



**Ini Guru Besar Sekolah Seri Jaya.
Nama guru besar mereka Mustafa.
Guru besar mereka tegas dan
dedikasi.**

Perbendaharaan kata:

ajar

ikut

roda

Rabu

guru

seni

kaset

muzik

tegas

rajin

kelas

tekun

sivik

cikgu

contoh

gambar

seronok

agama

wanita

bahasa

lelaki

menari

Selasa

nasihat

dedikasi

memberi

belajar

sekolah

bestari

melukis

Jawab soalan di bawah.

1. Apakah nama kelas Sani dan Sara ?

2. Siapakah nama guru muzik mereka ?

**3. Apakah yang diajar oleh Cikgu Hamzah
pada hari Selasa dan Rabu?**

4. Apakah yang diajar oleh Cikgu Haji Yunus?

**5. Berapakah bilangan guru lelaki di Sekolah
Seri Jaya ?**

Bahagian Pendidikan Khas,
Kementerian Pendidikan Malaysia,
Aras 2, Blok E2, Kompleks E,
Pusat Pentadbiran Kerajaan Persekutuan,
62604 PUTRAJAYA